

儀

禮

貴



儀禮考註卷之十五

儀禮正經

特牲饋食禮第十五

鄭氏曰諸侯之士以歲時祭其祖禰之禮非天子之士於五禮屬吉禮其禮經不見次第補之大戴第七小戴第十

三別錄第十五

特牲饋食之禮

特牲一牲也祭祀自熟始曰饋食食道也

不諏日及筮日主人冠端玄即位于門外西面子姓兄弟如主

人之服立于主人之南西面北上有司群執事如兄弟服東面

北上席于門中闈西闈外說古文作詛子須反闈古文作禁闈

古文作𦉳

諏謀也士賤時至可祭則筮其日矣不如少牢大夫先與有司諏丁巳之日也冠端玄女冠玄端也子姓者同姓之子孫古之祭禮小宗祭而兄弟皆來與宗子祭則族人皆來侍席

筮人之祭

筮人取筮于西塾執之東面受命于主人宰自主人之左贊命命曰孝孫某筮來日某諏此其事適其皇祖某子尚饗

筮人官名也筮問也取其所用問之神明者謂蓍也

筮者許諾還即席西面坐卦者在左卒筮寫卦筮者執以示主人主人受視反之筮者還東面長占卒告于主人占曰吉若不吉則筮遠日如初儀宗人告事畢

反還也長占以其屬之長幼旅占也遠日旬日之外也

右筮日

前期三日之朝筮尸如求日之儀命筮曰孝孫某諏此其事適其皇祖某子筮某之某為尸尚饗

三日者容宿賓視灌也

右筮尸

乃宿尸主人立于尸外門外子姓兄弟立于主人之後北面東上尸如主人服出門左西面主人辟皆東面北上主人再拜尸答拜宗人擯辭如初卒曰筮子為某尸占曰吉敢宿祝許諾致命尸許諾主人再拜稽首尸入主人退宿古文作遠今文無敬字

宿讀為肅肅進也尸父象也主人有子道故北面主人先拜  
尊尸也相揖而去尸不拜送尸尊也

右宿尸

宿賓賓如主人服出門左西面再拜主人東面答拜宗人擯  
曰其薦歲事吾子將涖之敢宿賓曰其敢不敬從主人再拜賓  
答拜主人退賓拜送

宿尸宿賓之日同薦進也涖臨也

右宿賓

厥明夕陳鼎于門外北面北上有霏於在其南南順實獸于其  
上東首牲在其西北首東足設洗于阼階東南壺禁在東序宜  
邊錮在東房南上几席兩敦在西堂

獸也慎猶從也獸腊也其西於西也牲不用於以其主也

主人及子姓兄弟即位于門東如初賓及衆賓即位于門西  
西北上宗人祝立于賓西北東面南上主人再拜賓各再拜三  
拜衆賓衆賓答拜主人揖入兄弟從賓及衆賓從即位于堂  
不知外位宗人升自西階視壺濯及豆籩及降東北面告濯具  
位初筮位衆賓再拜者士賤旅之得備禮也主人入者為視  
濯也不言敦錮者省文也

賓出主人出皆復外位宗人視牲告充經正作承宗人舉獸尾  
告備舉鼎霏告繫

為視牲也充肥也經正官名也作承視承之聲氣不知其  
有疾而不用

請期曰蒸饗告事畢賓出主人拜送

記設洗南北以堂深東西當東榮水在洗東篚在洗西南順實  
二爵二觚四觶一角一散

禮器曰貴者獻以爵賤者獻以散尊者舉觶卑者舉爵

壺於禁饌于東序南順覆兩壺焉蓋在南明日卒奠幕用給即  
位而徹之加勺

右視雁視牲

夙興主人服如初立于門外東方南面視側殺主婦視饗饗于  
西堂下享于門外東方西面北上饗饗實鼎陳于門外如初饗  
古文作 檀 尺 志 反

側殺一豕也炊黍稷曰饗宗婦為之饗竈也

享于東玄酒在西堂西面北上饗饗于房中如初執事之祖陳于

階間二列北上

二列者因其位在東一祝主人主婦之俎亦存焉不升鼎者  
異於神也

盛兩敦陳于西堂藉用荐几席陳于西堂如初尸盥匱水實于

槃中簞巾在門內之右人皆對

盛黍稷者宗婦也

記牲饗在廟門外東南魚腊饗在其南皆西面饗饗在西壁

饗炊也西壁者堂之西墻也

所俎心舌皆去本末午割之實于牲鼎

午割從橫割也

邊巾以給也纁裏衣亦采擇

纁裏者玄被也

銅毛用苦若薇皆有滑夏葵冬萱

石身饌

祝進几于室中東面主婦纚笄宵衣立于房中南面

纚几設神席使祝接神也纚笄首服宵綺屬染黑緇為之婦

人助祭者之服也

主人及賓兄弟群執事即位于門外如初宗人告有司具主人

拜賓如初揖入即位如初佐食北面立于中庭

具猶辨也

記特牲饋食其服皆朝服玄冠緇帶緇鞞唯尸祝佐食玄端

**裳** 雜裳可也皆爵鞞

中裳上士黃裳中士雜裳下士

右纚几即位

主人及祝升祝先入主人從西面于戶內

祝先入接神宜在前

主婦盥于房中為兩豆爇道蝸醢醢在北

主婦盥于內洗

宗人遣佐食及執事盥出

富助主人及賓舉鼎

主人降及賓盥出主人在右及佐食舉牲鼎賓長在右及執事

舉魚腊鼎除鼎

及與

宗人執畢先入當階南面

畢狀如義蓋為其似畢星取名焉畢用桑長三尺刊其本與木

鼎西面錯右人抽高委于鼎北贊者錯俎加匕乃北

右人謂主人及二賓既錯皆西面俟也乃北者亦右人也

佐食升所俎羅之設于階西卒載加匕于鼎

所心舌之俎所敬也

主人升入復位俎入設于豆東魚次腊特于俎北

入設俎載者腊特饌安方也

主婦設兩敦黍稷于俎南西上及兩鉶毛設于豆南南陳况

酌奠其于鉶南遂命佐食啓會佐食啓會卻于敦南出立于

西南

酌奠奠爵解也

主人再拜稽首祝在左卒祝主人再拜稽首

祝在左當為主人釋辭於神也

記尸俎右肩臂膾肺酪正脊二骨橫脊長脅二骨短脅膚三雜

肺一刺肺三魚十有五腊如牲骨○所俎載心立舌縮俎○棘

心七刻

尸俎神俎也刻若今龍頭

凡祝呼佐食許諾○佐食當事則尸外南面無事則中庭北而

當事將有事而未至也

右陰廡

祝迎尸于門外主人降立于阼階東

祭統云君迎牲而不迎尸別廡也

尸入門左北面盥宗人授巾尸至于階祝延尸尸升入祝先主

人從尸即席坐主人拜受尸尸答拜執奠祝饗主人拜如初祝

命授祭尸左執解右取首揆于醢祭于豆間板如和反

授祭祭神食也揆醢者染於醢

佐食取黍稷肺祭授尸尸祭之祭酒啐酒告旨主人拜尸奠觶

答拜

肺祭剌肺也

祭鉶嘗之告旨主人拜尸答拜祝命爾敦佐食爾黍稷于第

設羹于醢北舉肺春以授尸尸受振祭齊之左執之乃食

食舉

肺辭之主也春正體之貴者先食啐之所以道食通氣也

主人羞所俎于腊北尸三飯告飽祝侑主人拜

三飯告飽禮成也侑勸也

佐食舉幹尸受振祭齊之佐食受加于俎舉獸幹魚一亦如

之

幹長脅也

尸實舉于道豆佐食羞燕羞四豆設于左南上有醢

舉舉肺脊也

尸又三飯告飽祝侑之如初舉骼及獸魚如初尸又三飯告飽



祝侑之如初舉有及獸魚如初

又三飯者禮再成也及禮之三成不復飯矣三者禮之終也  
佐食盛胾俎俎釋三不

佐食盛胾俎將歸尸也不故也牲腊則正春長脅及臠魚則  
三頤

舉肺香加于胾俎反黍稷于其所

尸授佐食佐食受而加之反之也

右迎尸正祭

主人洗角升酌醕尸醕今文作酌

醕猶衍也是獻尸也曰醕者尸既卒食又順養之也不用醕  
者下大夫也

主人拜送尸祭酒啐酒賓長以肝從尸左執角右取

于鹽振祭齊之加于菹豆卒角祝受尸角曰送爵皇尸卒

主人拜尸答拜啐酒今文作啐之古文無長字

送爵者節主人拜也

記尸入主人及賓皆辟位出亦如之○沃尸盥者一人奉槃者

東面執匱者西面溲沃執巾者在匱北宗人東面取巾振之三

南面授尸卒執巾者受

宗人代授巾庭長尊也

右醕尸

祝酌授尸尸以醋主人醋古文作酢

祝酌不洗尸不親酌尸尊也

主人拜受角尸拜送主人退佐食授授祭主人坐左執角受祭  
祭之祭酒啐酒進聽嘏佐食博黍授祝祝授尸尸受以直豆執  
以親嘏主人

受亦當為授聽猶待也受福曰嘏嘏長也大也

主人左執角再拜稽首受復位詩懷之實于左袂挂于季指祭  
角拜尸答拜主人出為鬻于房祝以籩受牲俱賣久

詩猶承也謂奉納之懷中實左袂挂祛以季指者便率角也  
變黍言鬻欲其重稼穡務農功也

右尸醋主人

筵祝南面主人酌獻祝祝拜受角主人拜送設直醢俎祝左執  
角祭豆興取肺坐祭齊之興加于俎坐祭酒啐酒以肝從祝左

執角右取肝揆于鹽振祭啐之加于俎卒角拜主人答拜受  
先獻祝以接神尊之且行神惠也直醢皆主婦設之佐食

俎

酌獻佐食佐食北面拜受角主人拜送佐食坐祭卒角拜主人  
答拜受角降反于篚升入復位

佐食接尸祝接神故先獻祝後獻佐食也

記祝俎脾脰脊二骨脅二骨膾一離肺一

祝接於神及尸者俎不過牲三體

右獻祝及佐食

主婦洗爵于房酌亞獻尸尸拜受主婦北面拜送宗婦執兩盞  
戶外坐主婦受設于敦南祝蒼籩祭尸受祭之祭酒啐酒兄弟

長以燔從尸受振祭齊之反之羞燔者受加于所出尸卒爵祝受爵命送如初

亞獻二獻也不夾拜者士妻巖簡也兩遠棗栗也燔炙肉也出俟後事也

酢如主人儀主婦適房南面佐食授祭主婦左執爵右撫祭酒啐酒入卒爵如主人儀

撫授祭示親祭也

獻祝遠燔從如初儀○及佐食如初卒以爵入于房

如初如其獻佐食

右主婦亞獻尸尸酢主婦主婦祝佐食

賓三獻如初燔從如初爵止

初亞獻也尸止爵者三獻禮成也

右賓三獻尸止爵

席于戶內主婦洗爵酌致爵于主人主人拜受爵主婦拜送爵

宗婦贊豆如初主婦受設兩豆兩遠俎入設主人左執爵祭薦

宗人贊祭奠爵興取肺坐絕祭齊之興加于俎坐挽手祭酒啐

酒肝從左執爵取肝揆于鹽坐振祭齊之宗人受加于俎燔亦

如之與席末坐卒爵拜主婦受爵酌醋左執爵拜主人答

拜坐祭立飲卒爵拜主人答拜主婦出反于房

席為主人設也俎入設佐食設也挽執也

主人降洗酌致爵于主婦席于房中南面主婦拜受爵主人西

面答拜宗婦薦豆俎從獻皆如主人主人更爵酌醋三爵終實

爵于篚入復位

主人更爵自酢男子不承婦人爵也

記作俎臂正脊二骨橫脊長脊二骨短脊膚一離肺一

主人尊飲其體得祝之加數五體又加其可併者二

玉婦俎醑折其餘如昨俎

醑後足折分後右足以為佐食俎餘謂脊脅膚肺

右主人主婦致爵錯

三獻作止爵

賓也

尸卒爵酌酌獻祝及佐食洗爵酌致于主人主婦備從皆如初

更爵酌于主人卒復位

洗乃致爵為異事新之也

右尸卒爵酌賓賓獻祝佐食致爵主人主婦酢于主人

主人降昨階西面拜賓如初洗賓辭洗卒洗揖讓升酌西階上

獻賓賓北而受爵主人在右答拜薦脯醢設折俎賓左執爵祭

且奠爵興而肺坐絕祭齊之興加于俎坐拱手祭酒卒爵拜主

人答拜受酌酌酢奠爵拜賓答拜主人坐祭卒爵拜賓答拜揖

執祭以降四面奠于其位如初薦俎從設

拜賓洗爵將獻之也所尊者尸也賓為士家有司也

衆賓升拜受爵坐祭立飲薦俎設于其位辯主人備答拜馬降

實爵于篚

記賓酪宗人折其餘如佐食俎衆賓及公有司皆殺脅膚一離

肺一

胛左胛也骨有肉曰肴

宗人獻與旅齒於衆賓公有司門西北面東上獻次衆賓升受降飲

獻在後者賤也祭祀有上事者貴之亦皆與旅

右主人獻賓及衆賓宗人公有司

尊兩壺于阼階東加勺南枋西方亦如之主人洗觶酌于西方之尊西階前北面酬賓賓在左主人奠觶拜賓答拜主人坐祭卒觶拜賓答拜主人洗觶賓辭主人對卒洗酌西面賓北面拜主人奠觶薦薦北賓坐取觶還東面拜主人答拜賓奠觶

南揖後位

酬賓及兄弟行神惠也不酌上尊卑異之也就其位奠之

兩壺皆酒優之也

右主人酬賓

主人洗爵獻長兄弟于阼階上如賓儀○洗獻衆兄弟如衆賓儀

記佐食俎醑折脊脅膾一離肺一○長兄弟折其餘如佐食俎

○衆兄弟私臣皆醑脅膾一離肺一私臣門東北面西上獻次

兄弟升受降飲

醑肴者三體卑者從正也

右獻長兄弟衆兄弟及私臣

洗獻內兄弟于房中如獻衆兄弟之儀主人西面答拜便爵酢

卒爵降實爵于篚入復位

內兄弟內賓宗婦也

記尊兩壺于房中西牖下南上內賓立于其北東面南上宗婦北堂東面北上

為婦人旅也

內賓宗婦皆殺胾胹一離肺一

右主人獻內兄弟

長兄弟洗觚為加爵如初儀不及佐食洗致如初不從

加者多也不及佐食無從殺也

殺賓長為加爵如初爵止

右長兄弟衆賓長為加爵爵止

嗣舉奠盥入北面再拜稽首尸執奠進受復位祭酒啐酒尸舉肝舉奠左執觶再拜稽首進受肝復位坐食肝卒觶拜尸備答拜焉

嗣主人將為後者舉猶飲也

舉奠洗酌入尸拜受舉奠答拜尸祭酒啐酒奠之舉奠出復位記嗣舉奠佐食設豆鹽

右嗣舉奠

兄弟弟子洗酌于東方之尊阼階前北面舉觶于長兄弟如主人酬賓儀宗人告祭香乃羞

香俎也

右弟子舉觶于長兄弟

賓坐取觶阼階前北面酬長兄弟長兄弟在右賓奠觶拜長兄弟答拜賓立卒觶酌于其尊東面立長兄弟拜受觶賓北面答拜揖復位長兄弟西階前北面衆賓長自左受旅如初長兄弟卒觶酌于其尊西面立受旅者拜受長兄弟北面答拜揖復位衆賓及衆兄弟交錯以辯皆如初儀

交錯猶東西也

爲加爵者作止爵如長兄弟之儀

言作止爵者明禮殺也

長兄弟酬賓如賓酬兄弟之儀以辯卒受者實觶于篚賓弟子及兄弟弟子洗各酌于其尊中庭北面西上舉觶於其長奠觶拜長皆答拜舉觶者祭卒觶拜長皆答拜舉觶者洗各酌于

尊復初位長皆拜舉觶者皆無奠觶于薦右長皆執以御舉觶者皆復位答拜長皆奠觶于其所皆揖其弟子弟子皆復其位爵皆無筭

記宗人獻與旅齒於衆賓佐食於旅齒於兄弟○主婦及內賓宗婦亦旅西面

西面者異於獻也男子獻於堂上旅於堂下婦人獻於南面旅於西面內賓象衆賓宗婦象兄弟其節與其儀依男子也

右旅酬及無筭爵

利洗散獻于尸酢及祝如初儀降實散于篚主人出立于戶外西南祝東面告利成口謏祝前主人降祝反及主人入復位命佐食徹尸俎俎出于廟門徹庶羞設于西序下

利佐食也言利以今進酒也主人出事尸禮畢也

記賓從尸俎出廟門乃反位○尸卒食而祭饕餮雍饗

賓從尸送尸也士之助祭終其事也

右利獻尸尸出

筵對席佐食分簋劔宗人遣舉奠及長兄弟盥立于西階下東

面北上祝命嘗食養者舉奠許諾升入東面長兄弟對之皆坐

佐食授舉各一膚養餒同

分簋劔者為將餒分之也分簋者分數黍於會為有對也數

有虞氏之器用制士用之變敦言簋容同姓也祭統曰餒首

祭之末也

主人西面再拜祝曰養有以也兩養奠舉于俎許諾皆答拜

是者三皆取舉祭食祭舉乃食祭劔食舉卒食主人降洗爵

贊一爵主人升酌醕上養上養拜受爵主人答拜酌下養亦如

之主人拜祝曰醕有與也如初儀養子峻反與餒同

食乃祭劔禮殺也

兩養執爵拜祭酒卒爵拜主人答拜兩養皆降實爵于篚上養

洗爵升酌酌主人主人拜受爵上養即位坐答拜主人坐祭卒

爵拜上養答拜受爵降實于篚主人出立于戶外西面

養拜者答主人也下養復兄弟位不復升也

右養

祝命徹昨俎豆籩設于東序下○祝執其俎以出東面于戶西

○宗婦徹祝豆籩入于房○徹主婦薦俎



右徹俎

佐食徹尸薦俎敦設于西北隅几在南扉用筵一尊佐食闔牖尸降

扉隱也不知神之所在或遠諸入乎尸設而改讓為幽闇庶其復之所以為厭飫少牢饋食禮曰南面如饋之設也所謂當室之白陽厭也則尸未入之前為陰厭也

祝告利成降出主人降即位宗人告事畢賓出主人送于門外再拜佐食徹俎堂下俎畢出

拜拜送賓也凡去者不答拜賓俎有司徹歸之尊賓也

右陽厭賓出

重刊儀禮考註卷之十五

重刊儀禮考註卷之十六

儀禮正經

少牢饋食禮第十六

鄭氏曰諸侯之卿大夫祭其祖禰於朝之禮羊豕曰少牢

少牢於五禮屬吉禮大戴第八小戴第十一別錄第十六

少牢饋食之禮日用丁巳筮甸有一日筮于廟門之外主人朝

服西面于門東史朝服左執筮右抽上韞兼與筮執之東面受

命于主人主人曰孝孫某來日丁亥用薦為歲事于皇祖伯某以

某妃配某氏尚饗史曰諾西面于門西抽下韞左執筮右兼執

韞以擊筮遂述命曰假爾大筮有常孝孫某來日丁亥用薦為

事于皇祖伯某以某妃配某氏尚饗釋韞立筮卦者在左坐

十

卦以木卒筮乃書卦于木示主人乃退占吉則史贛筮史蕪執筮與卦以告于主人占曰從巳音紀贛徒木反

初乃言戒宗人命滌宰命為酒乃退若不吉則及遠日又筮日如

宮戒戒諸官也

右筮日

宿前宿一日宿戒尸明日朝服筮尸如筮日之儀命曰孝孫某來日丁亥用薦歲事于皇祖伯某以某妃配某氏以某之某為尸尚饗筮卦占如初吉則乃遂宿尸祝擯主人再拜稽首祝告曰孝孫某來日丁亥用薦歲事于皇祖伯某以某妃配某氏敢

宿尸拜許諾主人又再拜稽首主人退尸送揖不拜若不吉則

遂改筮尸宿古文作羞

字尸以尊鬼神也筮吉又遂宿尸重尸也

右筮尸宿尸

既宿尸反為期于廟門之外主人門東南面宗人朝服北面曰請祭期主人曰比於子宗人曰旦明行事主人曰諾乃退

右為期

明日主人朝服即位于廟門之外東方南面宰宗人西面北上牲北首東上司馬刲羊司士擊豕宗人告備乃退雍人概鼎匕俎于雍饗雍饗在門東南北上廩人概甒七與敦于廩饗在雍饗之北司宮概豆籩勺爵觚解几洗篚于東堂下勺爵觚解

實于籩卒概饌豆籩與籩于房中放于西方設洗于阼階東南  
當東榮禮古受反甌古文作烝甌魚長反敦音對

剗擊皆殺也甌如甌一孔廩人掌米入之歲者

右視殺視濯

爨定雍人陳鼎五三鼎在羊鑊之西二鼎在豕鑊之西司馬升  
羊右胖髀不升有臂臑膊脰正脊一脰脊一橫脊一短脅一正  
脅一代脅一皆二骨以並腸三胃三舉肺一祭肺三實于一鼎  
胖音判古文作髀髀古文作臑臑到反膊音純

魚腊從羊膏從豕統於牲也髀不升近竅賤也

司士升豕右胖髀不升有臂臑膊脰正脊一脰脊一橫脊一短  
脅一正脅一代脅一皆二骨以並宰肺一祭肺三實于一鼎

豕無腸胃者君子不食溷腴也

雍人倫鬻日九實于一鼎

倫擇也

司士又升魚腊魚十有五而鼎腊一純而鼎腊用麋卒齊日設  
高罪乃舉陳罪于廟門之外東方北面上司宮尊兩甌于房  
戶之間同松皆有冪纒有玄酒司宮設盥水于洗東有科設籩  
于洗西南肆科音王

科斟水

改饌豆籩于房中南面如饋之設實豆籩之實

改更也為實之更之威儀多也

小祝設槃匱盥篋巾于西階東

為將盥也

右實鼎饌器

主人朝服即位于阼階東西面

為將祭也

司宮筮于奧祝設几于筵上右之

布陳神坐也

主人出迎鼎除鼎士盥舉鼎主人先入司宮取二勺于篚洗之  
兼執以升乃啓二尊之蓋冪奠于於上加二勺于二尊覆之南  
柄鼎序入雍正執一七以從雍府執四七以從司士合執二俎  
以從司士贊者二八皆合執二俎以相從入  
主人先入道之也

陳鼎于東方當序南于洗西皆西面北上層為下七皆加于鼎  
東枋俎皆設于鼎西西肆所俎在羊俎之北亦西肆

枋柄通

宗人遣賓就主人皆盥于洗長枋長丁文反

長枋者長賓先次賓後也

佐食上利升牢心舌載于所俎心皆安下切上午割勿沒其載  
于所俎末在上舌皆切本末亦午割勿沒其載于所橫之皆如  
初為之于爨也

牢羊豕也勿沒為其分散也

佐食遷所俎于阼階西西縮乃反佐食二人上利升羊載右胖  
醢不升有臂膊膊胙正脊一胾春一肱春一短脅一正脅一代

脅一皆二骨以並腸三胃二長皆及俎拒舉肺一長終肺祭肺  
三皆切有臂臍膊髀在兩端脊脅肺有在上

升以尊卑載以體次各有宜也拒當作距俎距脰中當橫節也

下利升豕其載如羊無腸胃體其載于俎皆進下

進下亦於食生也

司士三人升魚腊膚魚用鮓下有五而俎縮載右首進腴

右首進腴亦變於食生也

腊一純而俎亦進下有在上膚九而俎亦橫載革順

革順者皮相順也

右即位進几舉鼎七載

卒齊祝盥于洗升自西階主人盥升自阼階祝先入南面

爨戶內西面主婦被錫衣移袂薦自東房韭菹醢醢坐奠于筵

前主婦贊者一人亦被錫衣移袂執葵菹羸醢以授主婦主婦

不興遂受陪設于東韭菹在南葵菹在北主婦興入于房被錫

讀為髮髮音被替修音移

古者或剔賤者刑者之髮以被婦人之紒為飾因名髮髻周

禮所謂次也後者半士妻之袂以益之

佐食上利執羊俎下利執豕俎司士三人執魚腊膚俎序升自

西階相從入設俎羊在豆東豕亞其北魚在羊東腊在豕東特

膚當俎北端主婦自東房執一金敦黍有蓋坐設于羊俎之南

婦贊者執敦授以授主婦主婦興受坐設于魚俎南又興受贊

者敦黍坐設于稷南又興受齎者敦稷坐設于黍南敦皆南首  
主婦興入于房

敦有首者尊者器飾也

祝酌奠遂命佐食啓會佐食啓會蓋二以重設于敦南主人西  
面祝在左主人再拜稽首祝曰孝孫某敢用柔毛剛鬣嘉薦  
普淖用薦歲事于皇祖伯某以其妃配某氏尚饗夫再拜稽首

右陰厭

祝出迎尸于廟門之外主人降立于阼階東西面祝先入門右  
尸入門左

主人不迎尸神尊也

宗人奉槃東面于庭南一宗人奉匱水西面于槃東一宗人奉

盥巾南面于槃北乃沃尸盥于槃上卒盥坐奠簞取巾興振之  
三以授尸坐取簞興以受尸巾祝延尸尸升自西階入祝從主  
人升自阼階祝先入主人從尸升庭祝主人西面立于戶內祝  
在左祝主人皆拜受尸尸不言尸答拜遂坐

由後詔相之曰延延進也

祝反南面尸取韭菹辯挾于三豆祭于豆間上佐食取黍稷于  
四敦下佐食取牢一切肺于俎以授上佐食上佐食兼與黍以  
授尸尸受同祭于豆祭上佐食宰尸牢肺正春以授尸上佐食  
爾上敦黍于庭上右之

授尸下有尸受祭肺四字

主人羞胙俎升自阼階置於膚北上佐食羞兩鉶取一羊鉶于

房中坐設于韭菹之南下佐食又取一豕劓于房中以從上佐食受坐設于羊劓之南皆毛皆有柶尸扱以柶祭羊劓遂以祭豕劓嘗羊劓食率三飯

率牢肺正脊也先食啗之以為道也飯者食以黍也

上佐食率尸牢幹尸受振祭齊之佐食受加于所上佐食羞載兩瓦豆有醢亦用瓦豆設于薦豆之北尸又食上載上佐食率尸一魚尸受振祭齊之佐食受加于所橫之

食大名飯小數也

又食上佐食率尸腊肩尸受振祭齊之上佐食受加于所

腊腊必率肩以肩為終也

又食上佐食率尸牢骼如初

如率幹也

又食尸告飽祝西面于主人之南獨脩不拜脩曰皇尸未實脩不率者不过五率也

尸又食上佐食率尸牢肩尸受振祭齊之佐食受加于所尸不飯告飽祝西面于主人之南主人不言拜脩尸又三飯上佐食受尸牢肺正脊加于所

為祝一飯為主人三飯尊卑之羞凡十一飯下人君也言受者尸授之也尸受牢幹而實于菹豆食畢操以授佐食焉

右尸入正祭

主人降洗爵升北面酌酒乃酌尸尸拜受主人拜送尸祭酒啐酒賓長羞牢肝用俎縮執俎肝亦縮進末鹽在右尸左執爵右

兼取肝揆于俎鹽振祭齊之加于菹豆卒爵主人拜祝受尸爵  
尸答拜醕古文作酌縮古文作甞

醕猶羨也既食之而又飲之所以樂之也

右主人醕尸

祝酌授尸尸醋主人主人拜受爵尸答拜主人西面奠爵又拜  
上佐食取四敦黍稷下佐食取牢一切肺以授上佐食上佐食  
以綴祭綴或作接接讀為墮

將受綴亦尊尸餘而祭也

主人左執爵右受佐食坐祭之又祭酒不興遂啐酒

坐祭者明尸與主人為禮也

祝與二佐食皆出盥于洗入二佐食各取黍于一敦上佐食

受爵之以授尸尸執以命祝卒命祝上受以東北面于尸西以  
綴于主人曰皇尸命工祝承致多福无疆于女孝孫來女孝孫  
使女受祿于天宜稼于田眉寿万年勿替引之

命祝者命祝以綴辭也

主人坐奠爵與再拜稽首興受黍坐振祭齊之詩懷之實于左  
袂挂于季指執爵以興坐卒爵執爵以興坐奠爵拜尸答拜執  
爵以興出宰夫以盥受齊黍主人嘗之納諸內挂古文作卦

收欽曰齋明豐年有黍稷也

右尸醋主人

主人獻祝設席南面祝拜于席上坐受主人西面答拜薦兩豆  
菹醢佐食設俎牢髀橫脊一短脅一腸一胃一膚三魚一橫之



腊两解属于尻祝取道揆于醢祭于豆間祝祭俎祭酒卒酒肝  
牢後祝取肝揆于鹽振祭啗之不興加于俎卒爵興音高祝尻  
尻尾間也

主人酌獻上佐食上佐食戶內牖東北面拜坐受爵主人西面  
答拜佐食祭酒卒爵拜坐授爵與俎設于兩階之間其俎折一  
膚主人又獻下佐食亦如之其胥亦設于階間西上亦折一膚

右獻祝二佐食

有司贊者取爵于篚以并授主婦贊者于房戶

男女不相因也

婦者受以授主婦主婦洗于房中出酌入戶西面拜獻尸  
拜受主婦主人之北西南拜送爵尸祭酒卒爵主婦拜祝受尸

婦西面于主人之北受祭上之其綏祭如主人之禮不舉卒爵  
拜尸答拜主婦以爵出贊者受

易爵者男女不同也不舉者夫婦一體也

易爵于篚以授主婦于房中主婦洗酌獻祝上拜坐受爵主婦  
答拜于主人之北卒爵不興坐授主婦主婦受酌獻上佐食于  
戶內佐食北面拜坐受爵主婦西面答拜祭酒卒爵坐授主婦  
主婦獻下佐食亦如之主婦受爵以入于房

右主婦亞獻尸及祝二佐食

賓長洗爵獻于尸尸拜受爵賓戶西北面拜送爵  
賓拜祝受尸爵尸答拜○祝酌授尸賓拜受爵尸

奠爵遂拜執爵以興坐祭遂飲卒爵執爵以興坐拜尸答拜○賓酌獻祝上拜坐受爵賓北面答拜祝祭酒下酒奠爵于其筵前

率酒而不率爵祭事畢示醉也

右賓長獻尸及祝

主人出立于阼階上西面祝出立于西階上東面祝告曰利成祝入尸謾主人降立于阼階東西面祝先尸後遂出于廟門祝反復位于室中主人亦入于室復位祝命佐食徹所俎降設于堂下阼階南

右祭畢尸出

司宮設對席乃四人養上佐食盥升下佐食對之賓長二人

司士進一敦黍于上佐食又進一敦黍于下佐食皆右之手

上賓黍于羊俎兩端兩下是餼資今文作齎

資猶減也減置於羊俎兩端則一賓長在上佐食之北一賓

長在下佐食之南

司士乃辯率養者皆祭黍祭率辯今文作備

主人西面三拜養者養又奠舉于俎皆答拜皆反取率

三拜旅之示備也

司士進一鉶于上養又進一鉶于次養又進二豆滂于兩下乃

皆食上率卒食主人洗一爵升酌以授上養養者洗二爵酌主

人受于戶內以授次養若是以辯皆不拜受爵主人西面三拜

養者養者奠爵皆答拜皆祭酒卒爵奠爵皆拜主人答壹拜壹

古文作一

不拜受爵者大夫餞者賤也答一拜畧也

養者三人興出上養止主人受上養爵酌以醋于戶內西面坐奠爵拜上養答拜坐祭酒啐酒

主人自醋者上養獨止當尸位尊不酌也不酌者將般主人

在尸位不可親酌也  
上養親般曰主人受祭之福胡壽保建家室主人興坐奠爵拜執爵以興坐卒爵拜上養答拜上養興出主人送乃退

送佐食不拜賤也

右四人養

重刊儀禮考註卷之十六

重刊儀禮考註卷之十七

儀禮正經

有司徹第十七

鄭氏曰少牢之下篇也大夫既祭饋尸於堂之禮祭畢禮尸於室中天子諸侯之祭明日而繹有司徹於五禮屬吉禮大戴第九小戴第十二別錄為少牢下篇第十七

有司徹

徹堂中之饋及祝佐食之俎天子諸侯明日祭於枋而繹繹禘通又祭也穀梁傳曰繹者祭之明日之享賓也祭之禮簡而事尸禮大繹與彤皆相尋不絕之義

婦堂

為賓尸新之也

司宮攝酒攝今文作聶

乃設尸俎卒設乃升羊豕魚三鼎無腊與膚乃設角鼎陳鼎于門外如初初音尋

較温也温尸俎於爨所亦温焉

右較尸俎

乃議侑于賓以異姓宗人戒侑侑出俟于廟門之外侑古文作宥

議猶釋也

右戒侑

司宮筵于户西南面又筵于西序東面尸與禘北面于廟門之

外西上

筵為尸席也又筵者為侑席也

主人出迎尸宗人儻主人拜尸答拜主人又拜侑侑答拜主人揖先入門右尸入門左侑從亦左揖乃設主人先升自阼階尸侑升自西階西楹西北面東上主人東楹東北面拜至尸答拜主人又拜侑侑答拜

右迎尸侑

乃舉司馬舉羊鼎司士舉豕鼎舉魚鼎以入陳鼎如初雍正執一七少從雍府執二七少從司士合執二俎少從司士贊者亦合執二俎少從七皆加于鼎東枋二俎設于羊鼎西西縮二俎皆設于二鼎西亦西縮雍人合執二俎陳于羊俎西並皆西縮

覆二疏七于其上皆縮俎西枋縮古文作感並今文作併

羊舉鼎也舉者不盥殺也司馬奉羊鼎司士奉豕鼎魚鼎以入於鼎如初者如阼階下西面北上也

右奉鼎設俎

主人降夢羊几尸侑降主人辭尸對宰授几主人受二手橫執几揖尸主人升尸侑升復位主人西面左手執几縮之以右袂推拂几三二手橫執几進授尸于筵前尸進二手受于手間主人退尸還几縮之右手執外廉北面奠于筵上左之南縮不坐主人東楹東北面拜尸復位尸與侑皆北面答拜

右授尸几

主人降洗尸侑降尸辭洗主人對卒洗揖主人升尸侑升尸西

楹西北面拜洗主人東楹東北面奠爵答拜降盥尸侑降主人辭尸對卒盥主人揖升尸侑升主人坐取爵酌獻尸尸北面拜受爵主人東楹東北面拜送爵

降盥者自潔也

主婦自東房薦韭醢醢坐奠于筵前韭在西方婦贊者執昌菹醢以授主婦主婦不興受陪設于南昌在東方興取籩于房醢贊坐設于豆西當外列醢在東方婦贊者執白黑以授主婦主婦不興受設于初籩之南白在西方興退醢音豈

麩熬麥也實熬稟實也白熬稻黑熬黍此皆朝事之豆籩也

乃升司馬北羊亦司馬載載右體有臂膊臑臠正脊一脰脊一橫脊一短脅一正脅一代脅一腸一胃一祭肺一載于一俎

升牲體於俎也一俎謂司士所設羊鼎西第一俎也  
羊肉清膾折正脊一正脅一腸一胃一齊肺一載于南俎清令  
文作汁

司士北豕亦司士載亦右體有脅肫脰膾正脊一脰脊一橫脊  
一短脅一正脅一代脅一膚五齊肺一載于一俎  
俎雍人所設在北者

侑俎羊左肩左肫正脊一脅一腸一胃一切肺一載于一俎侑  
俎豕左肩折正脊一脅一膚二切肺一載于一俎

俎司士所設羊鼎西之北俎也

昨俎羊肺一祭肺一載于一俎羊肉清膾一脰一齊一腸一胃  
一齊肺一載于一俎豕齊膾一脊一脅一膚二齊肺一載于一

昨俎主人俎司士所設豕鼎西俎也

主婦俎羊左膾脊一脅一腸一胃一膚一齊羊肺一載于一俎

俎司士所執在魚鼎西者

司士北魚亦司士載尸俎五魚橫載之侑主人皆一魚亦橫載  
之皆加膾祭于其上

其俎又與尸豕俎同

卒升賓長設羊俎于豆南賓降尸升筵自西方坐左執爵右取  
韭菹揆于二豆祭于豆間尸取饗養宰夫贊者取白黑以授尸  
尸受蕪祭于豆祭

卒已也

雍人授次賓疏匕與俎受于鼎西左手執俎左廡縮之卻右手執匕枋縮于俎上以東面受于羊鼎之西司馬在羊鼎之東二手執挑匕枋以挹酒注于疏匕若是者三挑今文作挑挹今文作報

挑謂之軟讀如或春或挑之挑字或作挑者秦人語也此二匕皆有淺深狀如飯糝挑長枋可以挹物於器中注猶寫也尸與左執爵右取肺坐祭之祭酒與左執爵次賓縮執匕俎以升若是以授尸尸卻手受匕枋坐祭齊之興覆手以授賓賓亦覆手以受縮匕于俎上以降

齊酒者明酒肉之加耳

尸席末坐啐酒興坐奠爵拜三首執爵以興主人北面于東

東拜

肯羹也

司馬羞羊肉清縮執俎尸坐奠爵興取肺坐絕祭齊之興反加于俎司馬縮奠俎于羊清俎南乃載于羊俎卒載俎縮執俎以降

絕祭絕肺末以祭也

尸坐執爵以興次賓羞羊燔縮執俎縮一燔于俎上鹽在右尸左執爵受燔挾于鹽坐振祭齊之興加于羊俎賓縮執俎以降尸降筵北面于西楹西坐卒爵執爵以興坐奠爵拜執爵以興主人北面于東楹東冬拜主人受爵尸升筵立于筵末

燔炙也獻尸有五節主人獻酒并主婦設豆籩一也賓長設

俎二也次賓羞羊七滫三也司馬羞羊肉滫四也次賓羞羊  
燔五也

右主人獻尸

今按主人獻尸羞羊俎及主婦獻尸始羞豕胛及賓作  
三獻之爵始羞滫魚俎今並述於主人獻尸之時者以  
載俎事同一類故以類相從庶使易見也不唯此也主  
人獻尸羞羊俎主婦獻尸奠豕胛又尸酢主人羞胙羊  
俎主婦致爵于主人始羞豕胛又主婦羊俎亦尸酢主  
婦始用之今並述於主人獻尸之下者亦欲以類相從  
也鄭氏云此以下十一俎俟時而載於此歷說之爾蓋  
謂此也

主人酌獻侑侑西楹西北面拜受爵主人在其右北面答拜

不洗者俱獻間無事也

主婦薦韭菹醢坐奠于筵前醢在南方婦贊者執二籩饗以  
授主婦主婦不興受之奠饗于醢南贊在饗東主婦入于房侑  
升筵自北方司馬橫執羊俎以升設于豆東侑坐左執爵右取  
菹揆于醢祭于豆間又取饗贊同祭于豆祭與左執爵右取肺  
坐祭之祭酒與左執爵以賓羞羊燔如尸禮侑降筵自北方北  
面于西楹西坐卒爵以興坐奠爵拜主人答拜

答拜拜於侑之右

右主人獻侑

尸受侑爵降洗侑降立于西階西東面主人降自阼階辭洗尸



坐奠爵于篚與對卒洗主人升尸升自西階主人拜洗尸北面于西楹西坐奠爵答拜降盥主人降尸辭主人對卒盥主人升尸升坐取爵酌

酌者將酢主人

司宮設席于東序西面主人東楹東北面拜受爵尸西楹西北面答拜主婦薦韭菹醢坐奠于筵前菹在北方婦贊者執二籩饗主婦不興受設饗于菹西北饗在饗西主人升筵自北方主婦入于房今文無二籩字

長賓設羊俎于豆西主人坐左執爵祭豆籩如侑之祭與左執爵右取肺坐祭之祭酒與次賓羞匕涪如尸禮席未坐啐酒執爵以興司馬羞羊肉涪縮執俎主人坐奠爵于左與受肺坐絕

祭齊之興反加于涪俎司馬縮奠涪俎于羊俎西乃載之卒縮執虛俎以降

奠爵于左者神惠變於常也虛俎者羊涪俎訖於此虛不復用

主人坐取爵以興次賓羞燔

燔羊燔

主人受如尸禮主人降筵自北方北面于阼階上坐卒爵執爵以興坐奠爵拜執爵以興尸西楹西答拜主人坐奠爵于東序南侑升尸侑皆北面于西楹西主人北面于東楹東再拜崇酒尸侑皆答再拜主人及尸侑皆升就筵

右尸酢主人

司宮取爵于篚以授婦贊者于房東以授主婦主婦取爵于房  
中出實爵尊南西面拜獻尸尸拜于筵上受主婦西面于主人  
之席北拜送爵入于房取一羊釃坐奠于韭菹西主婦贊者執  
豕釃以從主婦不興受設于羊釃之西興入于房取糗與暇脩  
執以出坐設之糗在賁西脩在白西興立于主人席北西面尸  
坐左執爵祭糗脩同祭于豆祭以羊釃之柶挹羊釃遂以挹豕  
釃祭于豆祭祭酒次實羞豕七滷如羊七滷之禮尸坐啐酒左  
執爵嘗上釃執爵以興坐奠爵拜主婦答拜執爵以興司士羞  
豕胥尸坐奠爵興受如羊肉滷之禮坐取爵興次實羞豕燔尸  
左執爵受燔如羊燔之禮坐卒爵拜主婦答拜受爵  
亞獻凡五節設兩釃一也設糗脩二也次實羞豕七滷三也

司士羞豕胥四也次實羞豕燔五也

右主婦亞獻尸

酌獻侑侑拜受爵主婦主人之北西面答拜主婦羞糗脩坐奠  
糗于饗南脩在賁南脩坐左執爵取糗脩兼祭于豆祭今文無  
西面二字

酌獻者主婦也

司士縮執豕胥以升侑興取肺坐祭之司士縮奠豕胥于羊俎  
之東載于羊俎卒乃縮執釃以降侑興次實羞豕燔侑受如尸  
禮坐卒爵拜主婦答拜受爵

右主婦獻侑

酌以致于主人主人筵上拜受爵主婦北面于阼階上答拜主

婦設二銅與糗脩如尸禮主人其祭糗脩祭銅祭酒受豕七清  
拜啐酒皆如尸禮嘗銅不拜

主人如尸禮尊也其異者不告旨

其受豕胥受豕燔亦如尸禮坐卒爵拜主婦北面答受爵拜

右主婦致爵于主人

尸降筵受主婦爵以降主人降侑降主婦入于房主人立于洗  
東北西面侑東面于西階西南尸易爵于篚盥洗爵主人揖尸  
侑主人升尸升自西階侑從主人北面立于東楹東侑西楹西  
北面立尸酌主婦出于房西面拜受爵尸北面于侑東答拜主  
婦入于房司宮設席于房中南面主婦立于席西婦贊者薦韭  
醢醢坐奠于筵前道在西大婦人贊者執醢贊以授婦贊者婦

贊者不與受設醢于道西贊在醢南

尸受爵將酢主婦也降俟尸洗立俟尸酌

主婦升筵司馬設羊俎于豆南主婦坐左執爵右取道換于醢  
祭于豆間又取醢贊兼祭于豆祭主婦奠爵興取肺坐絕祭齊  
之興加于俎坐挽手祭酒啐酒次賓羞羊燔主婦興受燔如主  
人之禮主婦執爵以出于房西面于主人席北立卒爵執爵拜  
尸西楹西北面答拜主婦入立于房尸主人及侑皆就筵

右尸酢主婦

上賓洗爵以升酌獻尸尸拜受爵賓西楹西北面拜送爵尸奠  
爵于薦左賓降

上賓賓長也奠爵爵止也

右賓三獻尸

主人降洗爵尸俯降主人奠爵于篚辭尸對卒洗揖尸升俯不  
升主人實爵酬尸東楹東北面坐奠爵拜尸西楹西北面答拜  
坐祭遂飲卒爵拜尸答拜降洗尸降辭主人奠爵于篚對卒洗  
主人升尸升主人實爵尸拜受爵主人反位答拜尸北面坐奠  
爵于薦左尸俯主人皆升筵

右主人酬尸

乃羞宰夫羞房中之羞于尸俯主人主婦皆右之司士羞庶羞  
于尸俯主人主婦皆左之

二羞所以盡歡心房中之羞其適則糗餌粉糝其且則醢食  
糝食庶羞羊臠豕臠皆有醢

右羞于尸俯主人主婦

主人降南面拜衆賓于門東三拜衆賓門東北面皆答壹拜壹

古文作一

主人洗爵長賓辭主人奠爵于篚與對卒洗升酌獻賓于西階  
上長賓升拜受爵主人在其右北面答拜宰夫自東房薦脯醢  
醢在西司士設俎于豆北羊骼一腸一胃一切肺一膾一骼古

文作略

賓主左執爵右取脯揆于醢祭之執爵與取肺坐祭之祭酒遂  
飲卒爵執以興坐奠爵拜執爵以興主人答拜受爵賓坐取祭  
以降西面坐委于西階西南宰夫執薦以從設于祭東司士執  
俎以從設于薦東○衆賓長升拜受爵主人答拜坐祭立飲卒

爵不拜既爵宰夫贊主人酌若是以辯辯受爵其薦脯醢與齊  
設于其位其位繼上賓而南皆東面其齊體儀也 若今文作如  
辯今文作編

齊用體儀者尊體重儀度尊者用尊體卑者用卑體亦有切  
肺膾也

乃升長賓主人酌酢于長賓西階上北面賓在左主人坐奠爵  
拜執爵以興賓答拜坐祭遂飲卒爵執爵以興坐奠爵拜賓答  
拜賓降

右主人獻賓

宰夫洗解以升主人授酌降酬長賓于西階南北面賓在左主  
人坐奠爵拜賓答拜坐祭遂飲卒爵拜賓答拜主人洗賓辭主

人坐奠爵于篚對卒洗升酌以復位賓拜受爵主人拜送爵賓  
西面坐奠爵于薦左酌古文作爵

右主人酬賓

主人洗升酌獻兄弟于阼階上兄弟之長升拜受爵主人在其  
右答拜坐祭立飲不拜既爵皆若是以辯辯受爵其位在洗東  
西面北上升受爵其薦齊設于其位

兄弟長幼立飲賤不別也

其先生之齊折脅一膾一其衆儀也

右主人獻兄弟

主人洗獻內賓于房中南面拜受爵主人南面于其右答拜坐  
祭立飲不拜既爵若是以辯亦有薦齊主人降洗升獻私人于

陳階上拜于下升受主人答其長拜乃降坐祭立飲不拜既爵  
若是以辯宰夫贊主人酌主人於其群私人不答拜其位繼兄  
弟之南亦北上亦有薦贊主人就

右主人獻內賓及私人

尸作三獻之爵司士羞涪魚縮執俎以升尸取膾祭祭之祭酒  
卒爵司士縮奠俎于羊俎南橫載于羊俎卒乃縮執俎以降尸  
奠爵拜三獻北面答拜受爵酌獻侑侑拜受三獻北面答拜司  
馬羞涪魚一如尸禮卒爵拜三獻答拜受爵○酌致主人主人  
拜受爵三獻東楹東北面答拜司士羞一涪魚如尸禮卒爵拜  
三獻答拜受爵尸降庭受三獻爵酌以酢之三獻西楹西北面  
拜受爵尸在其右以授之尸升庭南面答拜坐祭遂飲卒爵拜

尸答拜執爵以降血于篚

既致主人尸乃酢之遂賓意也

右尸作三獻奠爵及三獻人侑致主人尸酌酢

二人洗解升實爵西楹西北面東上坐奠爵拜執爵以興尸侑  
答拜坐祭遂飲卒爵執爵以興坐奠爵拜尸侑答拜皆降洗升  
酌及位尸侑皆拜受爵舉觶者皆拜送侑奠人于右尸遂執解  
以興北面于阼階上酬主人主人在右坐奠爵拜主人答拜不  
祭立飲卒爵不拜既爵酌就于阼階上酬主人主人拜受爵尸  
拜送尸就庭

三獻而禮小成使二人舉爵序殷勤於尸侑也

主人以酬侑于西楹西侑在左坐奠爵拜執爵與侑答拜不祭

立飲卒爵不拜既爵酌復位侑拜受主人拜送主人復進乃升  
長賓侑酬之如主人之禮至于衆賓遂及兄弟亦如之皆飲于  
上遂及私人拜受者升受下飯卒爵升酌以之其位相酬辯卒  
飲者實爵于篚

遂旅也

乃羞庶羞于賓兄弟內賓及私人

無房中之羞賤也

右二人舉禴旅酬

兄弟之後生者舉禴于其長洗升酌降北面立于阼階南長在  
左坐奠爵拜執爵以興長答拜坐祭遂飲卒爵執爵以興坐奠  
爵拜執爵以興長答拜洗升酌降長拜受于其位舉爵皆奠而

拜爵止

古文禴皆為爵延喜中詔校書定作禴

右兄弟之後生卒禴于其長

賓長獻于尸如初無酒爵不止

如初如其獻侑酌致主人受尸酢也

右賓長獻尸

賓一人卒爵于尸如初亦遂之於下

一人次賓長者如初如二人洗禴之為也遂之於下者遂及

賓兄弟下至私人是言亦遂之于下上言無酒爵不止互相

發明此更為旅酬如上旅酬之事

右一人卒爵于尸遂於下

賓及兄弟交錯其酬皆遂及私人爵無筭

右賓及兄弟交酬爵無筭

尸出南從主人送于廟門之外拜尸不顧拜侑與長賓亦如之  
衆賓從司士婦尸侑之俎主人退有司徹

主人拜送尸尊之也從者不拜賤也婦尸侑之俎敬之也退  
者及正寢也有司徹者徹堂上下之薦俎也外賓尸雖堂上  
婦人不徹也云有司明无婦人也

右尸出徹

若不賓尸則祝侑亦如之

不賓尸謂下大夫也

尸食乃盛俎膾臠臠脊橫脊短脅伐脅背年盛音成

尸食者八飯也盛者盛於俎俎也此七体羊豕其脊脅皆取  
一骨也與所奉正脊幹酪凡十矣有未奉既奉而俎猶有六  
体焉

魚七

盛半也

腊辨無解解古文作解

亦盛半也

卒盛乃卒牢有尸受振祭馨之佐食受加于所佐食取一俎于  
堂下以入奠于羊俎東乃撫于魚腊俎也釋三个其餘皆取之  
實于一俎以出撫古文作撫

卒已也不言魚俎東主于尊也



祝主人之魚腊取于是

祝主人主婦俎之魚腊取於此者大夫之礼又待神餘也三

者各取一魚其腊主人臂主婦臠祝則胙也与此皆於鼎側

更載焉不言主婦未聞

尸不飯告飽主人拜惰不言尸又三飯

凡十一飯士九飯大夫十一飯其飯有十三飯十五飯則諸

侯十三飯天子十五飯

佐食受牢宰如儻

本与肺春

右不賓尸

主人洗酌鬯尸賓盞肝皆如儻礼卒爵主人拜祝受尸爵尸空

拜初酌授尸尸以醋主人亦如儻其後祭其馔亦如儻

緩皆作授讀為歲其墮之墮

其獻祝與二佐食其位其薦齊皆如儻

此亦有五節主人獻一也酢主人二也獻祝三也獻上佐食

四也獻下佐食五也

右主人獻

主婦其洗獻于尸亦如儻主婦反取籩于房中執棗糗坐設之

棗在稷南糗在棗南婦贊者執栗脯主婦不興受設之栗在糗

東脯在棗東主婦與反位

棗饋食之籩糗羞籩之實栗脯加籩之實反位反主人之北

拜送爵位

尸左執爵取棗糗祝取栗脯以授尸尸兼祭于豆祭酒啐酒  
次賓羞牢燔用俎醢在右尸兼取燔揆于醢振祭齊之祝受加  
于所卒爵主婦拜祝受尸爵尸答拜祝易爵洗酌授尸尸以醋  
主婦主婦主人之北拜受爵尸答拜主婦及位又拜上佐食綏  
祭如饋卒爵拜尸答拜主婦獻祝其爵如饋拜坐受爵主婦主  
人之北答拜宰夫薦棗糗坐設事于道西糗在棗南祝左執爵  
取棗糗祭于豆祭酒啐酒次賓羞燔如尸禮卒爵主婦受爵  
酌獻二佐食亦如饋主婦受爵以入于房

獻同主人唯不受婦具

右主婦亞獻

賓長洗爵獻于尸尸拜受賓尸西北面答拜爵止主婦洗于房

中酌致于主人主人拜受主婦尸西北面拜送爵司宮設席主  
婦薦韭菹醢坐設于席前菹在北主婦執其有執棗糗以從主婦  
不興受設棗于道北糗在棗西佐食設俎臂脊脅肺皆牢膚三  
魚一腊臂主人左執爵右取菹揆于醢祭于豆間遂祭邊奠爵  
興取牢肺坐絕祭齊之興加于俎坐揆手祭酒執爵以興坐卒  
爵拜主婦答拜受爵酌以醋尸內北面拜主人答拜卒爵拜主  
人答拜主婦以爵入于房

自醋不更爵禮綏也

尸作止爵祭酒卒爵賓拜祝受爵尸答拜祝酌授尸賓拜受爵  
尸拜送坐祭遂飲卒爵拜尸答拜獻祝及二佐食洗致爵于主  
人主人席上拜受爵賓北面答拜坐祭遂飲卒爵拜賓答拜受

爵酌致爵于主婦主婦北堂司宮設席東面主婦席北東面拜受爵賓西面答拜婦贊者薦韭道醢道在南方婦人贊者執棗糗授婦贊者婦贊者不與受設棗于道南糗在棗東佐食設俎于豆東羊臠豕折羊脊脊祭肺一膚一魚一腊臠主婦升筵坐左執爵右取道換于醢祭之祭籩奠爵興取肺坐絕祭齊之興加于俎坐挽手祭酒執爵興筵北東而立卒爵拜賓答拜賓受爵易爵于篚洗酌醋于主人尸西北面拜主人答拜卒爵拜主人答拜賓少爵降奠于篚乃羞宰夫羞房中之羞司士羞庶羞于尸祝主人主婦內羞在右庶羞在左

此節凡十爵獻尸一也主婦致爵於主人二也主人酢主婦三也尸作止爵訖酢賓長四也賓獻祝五也獻上佐食六也

獻下佐食七也致爵主人八也致爵主婦九也受主人爵十

主人降拜衆賓洗獻衆賓其薦齊其位其酬醋皆如饋禮主人洗獻兄弟與內賓與私人皆如饋禮其位其薦齊皆如饋禮卒乃羞于賓兄弟內賓及私人辯

右主人獻外內賓兄弟及私人辯

賓長獻于尸尸酌獻祝致醋賓以爵降實于篚

致謂致爵于主人主婦

右賓長獻尸尸酌獻祝致醋

賓兄弟交錯其酬無等爵

右賓兄弟交酬無筭爵

利洗爵獻于尸尸酌獻祝祝受祭酒啐酒奠之

右利獻尸尸酌獻祝

主人出立于阼階上西面祝出立于西階上東面祝告于主人曰利成祝入主人降立于阼階東西面尸謾祝前尸從遂出于廟門

右祝告利成尸謾

祝反復位于室中祝命佐食徹尸俎佐食乃出尸俎于廟門外有司受歸之○徹阼薦俎

右歸俎徹阼俎

乃養如饋養古文作餼

右養

率養有司官徹饋饌于室中西北隅南面如饋之設右几匪用席右古文作侑匪古文作弗

官徹饋者司馬司士舉俎宰夫取敦及豆此於尸謾改饌當室之白孝子不知神之所在庶其饗之

納一尊于室中司官掃祭

一尊者陽厭殺無玄酒也

右陽厭

主人出立于阼階上西面祝執其俎以立出于西階上東面司宮闔牖戶祝告利成乃執俎以出于廟門外有司受歸之衆賓出主人拜送于廟門外乃反婦人乃徹徹室中之饌

有司饌之婦人徹之外內相兼禮殺也  
右俎出送賓徹饌

禮考註卷之十七終



